

ადგილობრივი პროდუქტების გადამუშავების, ტექნოლოგიების და სერვისების, აგრეთვე გასაღების ახალი არხების გამოსაყენებლად მესამე მხარის ფინანსური მხარდაჭერი კონკურსის წესი და პირობები

1. შესავალი

1.1. ადგილობრივი პროდუქტების გადამუშავების, ტექნოლოგიების და სერვისების, აგრეთვე გასაღების ახალი არხების გამოსაყენებლად მესამე მხარის ფინანსური მხარდაჭერის მიღების კონკურსი ცხადდება ქუთაისის მუნიციპალიტეტისა და ა(ა)იპ „მართვისა და განვითარების გადაწყვეტილებების ჰაბი“ ერთობლივად განხორციელებული, ევროკავშირის მიერ დაფინანსებული პროექტის „ქუთაისი: ინტეგრირებული ტრანსფორმაცია მდგრადი განვითარებისთვის“ ფარგლებში.

1.2. აღნიშნული პროექტის ზოგადი მიზანია ქუთაისის გადაქცევა კარგ საცხოვრებელ და საინვესტიციო ქალაქად. კონკრეტულად კი ქუთაისის, იმერეთის დანარჩენი, გურიის და რაჭა-ლეჩხუმისა და ქვემო სვანეთის მუნიციპალიტეტებში შესაძლებლობის შექმნა ქვეყნის ინტეგრირებულ ტერიტორიულ განვითარებაში ეფექტიანი წვლილის შესატანად. პროექტი ეხმარება ქუთაისის მუნიციპალიტეტს შექმნას პირობები ქალაქში სოციალური ინკლუზიურობის, ბიზნესის განვითარებისა და შემოსავლის მისაღებად.

2. მესამე მხარის ფინანსური მხარდაჭერის მიზნები

2.1. აღნიშნული მესამე მხარის ფინანსური მხარდაჭერის საერთო მიზანია ქალაქის ინტეგრირებული ტრანსფორმაციული განვითარებისთვის ადგილობრივი კერძო სექტორის მომზადება.

2.2. მესამე მხარის ფინანსური მხარდაჭერის კონკრეტული მიზანია ქალაქ ქუთაისის მუნიციპალიტეტის მხარდაჭერა ინვესტიციებისათვის მიმზიდველ ადგილად გახდომაში.

3. მესამე მხარის ფინანსური მხარდაჭერის მიმღები სუბიექტები

3.1. კონკურსში მონაწილეობის მიღება შეუძლიათ ქალაქ ქუთაისის მუნიციპალიტეტში რეგისტრირებულ კერძო სამართლის სამეწარმეო იურიდიულ პირებს.

3.2. კონკურსის ფარგლებში მესამე მხარის ფინანსურ მხარდაჭერას მიიღებს კონკურსში მონაწილე გამარჯვებული.

3.3. კონკურსში მონაწილეობის მიღება არ შეუძლიათ კერძო სამართლის სამეწარმეო იურიდიულ პირებს, რომელთა ქონებასაც ადევს ყადაღა.

3.4. კონკურსში მონაწილეობის მსურველს შეუძლია წარმოადგინოს მხოლოდ ერთი განაცხადი.

4. მესამე მხარის ფინანსური მხარდაჭერის მიღების პირობები

4.1. მესამე მხარის ფინანსური მხარდაჭერის ფარგლებში გამოყოფილი დაფინანსება შეიძლება გამოყენებული იქნეს შემდეგი ქმედებებისთვის: გადამუშავება, ტექნოლოგია, გავრცელების ახალი არხები (მათ შორის IT ინსტრუმენტების საშუალებით), დიზაინი, შეფუთვა, მონაწილეობა ბაზრობებში/გამოფენებში და სხვა აქტივობები ადგილობრივი პროდუქტებისა და სერვისების შეთავაზებისთვის.

4.2. კონკურსის გამარჯვებულისთვის თანხის გადარიცხვა მოხდება მხარეებს შორის გაფორმებული ხელშეკრულების საფუძველზე.

5. დაშვებული და დაუშვებელი დაფინანსება

5.1. მესამე მხარის ფინანსური მხარდაჭერისთვის გათვალისწინებული თანხებით დაფინანსდება მხარდაჭერის მიმღების მიერ კონკურსის მიზნების მისაღწევად ფაქტიურად გაწეული ხარჯები.

5.2. მესამე მხარის ფინანსური მხარდაჭერა არ შეიძლება გამოყენებული იქნეს შემდეგისთვის:

- ვალები და ვალის მომსახურების საფასური (პროცენტი).
- არსებული დანაკარგების ან მომავალში პოტენციური ვალდებულებების გასტუმრებისთვის რეზერვების შექმნა.

- ოფისის ქირა.

- საოფისე აღჭურვილობა/ინვენტარის (რომლებიც არ არის დაკავშირებული უშუალოდ ორგანიზაციის საქმიანობასთან. კერძოდ; ავეჯი: მერხები, სკამები, კარადები და საშუალო ადგილისთვის განკუთვნილი სხვა ავეჯი; საკანცელარიო ნივთები: ისეთი ნივთები, როგორცაა პრინტერები, ქსეროქსი, ფაქსის აპარატები და შრედერები (ქაღალდის დამაქუცმაცებელი) და სხვა) შეძენა.

- IT აღჭურვილობის (კომპიუტერები: დესკტოპები, ლეპტოპები და სერვერები; პერიფერიული მოწყობილობები: კლავიატურები, მაუსები, მონიტორები, პრინტერები და სკანერები; ქსელური მოწყობილობები: როუტერები, ჩამრთველები, მოდემები და ქსელის კაბელები; პროგრამული უზრუნველყოფა: ოპერაციული სისტემები, პროდუქტიულობის პროგრამული უზრუნველყოფა (მაგ. Microsoft Office) და სხვა აპლიკაციები.) შეძენა.

- პირადი მოხმარების ნივთების შეძენა.

- დაზღვევის ხარჯები.

- ბენეფიციარ(ებ)ის მიერ გაცხადებული და ევროკავშირის მიერ მიერ სხვა აქტივობიდან ან პროგრამიდან დაფინანსებული ხარჯები.

- მიწის ან შენობების შესყიდვა.

- ვალუტის კურსის დანაკარგები.

- ფულადი გადარიცხვები სხვა პირებისთვის.

- მოგება

- რელიგიური, პოლიტიკური, საომარი და სხვა მსგავსი აქტივობა.

- ინფრასტრუქტურული ხარჯები.

- საერთაშორისო მგზავრობა, თუ ის არ არის დაკავშირებული კონკურსის პირობებთან.

- სხვადასხვა და გაუთვალისწინებელი ხარჯები.

- წარმომადგენლობითი ხარჯი, თუ ის არ არის დაკავშირებული კონკურსის პირობებთან.

- სოციალური სერვისები, ჯანდაცვის სერვისები და სხვა.

- საბრუნავი საშუალებები.

- მიმდინარე ხარჯები (მათ შორის ტრანსპორტირება, ხელფასები, რემონტის ხარჯი, დაზღვევის ხარჯი, კომუნალური გადასახდელები და სხვა).

- სატრანსპორტო საშუალებების (მსუბუქი ავტომობილი, ველოსიპედი, მოტოციკლი, ტაქსი, ავტობუსები და სხვა პირადი სატრანსპორტი) შეძენა.

5.3. მესამე მხარის ფინანსური მხარდაჭერა მიმართული შეიძლება იქნეს, ზემოთ ჩამოთვლილის გარდა სხვა ხარჯების დაფინანსებაზე, რომლებიც გამოყენებული იქნება კონკურსის მიზნების მისაღწევად. კერძოდ მესამე მხარის ფინანსური მხარდაჭერა მიმართული შეიძლება იქნეს ისეთი ხარჯების დაფინანსებაზე, რომელიც დაკავშირებულია ბიზნესის განვითარებასთან, პროდუქტის/მომსახურების ხარისხის ზრდასთან და არ ეწინააღმდეგება წინამდებარე წესისა და პირობების 5.2. პუნქტს.

5.4. მესამე მხარის ფინანსური მხარდაჭერის გამოყენება არ შეიძლება იმ საქონლის ან მომსახურების შესყიდვაზე და იმ ქვეყნებიდან, რომელიც აკრძალულია ევროკავშირის მიერ.

5.5. მესამე მხარის ფინანსური მხარდაჭერის მიღება არ შეუძლიათ ევროკავშირის ან აშშ-ს მიერ სანქცირებულ პირებს.

6. მხარდასაჭერი პროექტების შერჩევა

6.1. მესამე მხარის ფინანსურ მხარდასაჭერის მისაღებად შერჩევა იმდენი განაცხადი რის საშუალებასაც იძლევა კონკურსისთვის არსებული ბიუჯეტი, წარმოდგენილი განაცხადების მომზადების შესაბამისობა კონკურსის პირობებთან და გამარჯვებულის გამოვლენის კრიტერიუმებთან.

6.2. განაცხადები უნდა აკმაყოფილებდნენ წინამდებარე დოკუმენტით გათვალისწინებულ კრიტერიუმებს და ხელს უწყობდნენ კერძო საწარმოების მიერ ქალაქ ქუთაისის მუნიციპალიტეტის მოსახლეობის მომსახურების გაზრდას პროდუქციის გადამუშავების, ტექნოლოგიების, გასაღების ახალი არხების, და ა.შ. საშუალებით.

6.3. განაცხადის განხორციელების რისკი სრულად უნდა იყოს აღმოფხვრილი და განმცხადებელს უნდა შეეძლოს განაცხადის სრულად განხორციელება და კონკურსის მიზნების მიღწევა.

6.4. განაცხადით განხორციელებული აქტივობა უნდა დასრულდეს 2024 წლის 10 დეკემბრის ჩათვლით.

6.5. მესამე მხარის ფინანსური მხარდაჭერის მაქსიმალური მოცულობა შეადგენს 5 ათასი ევროს, ხოლო მინიმალური 2 ათასი ევროს ეკვივალენტს ლარში კონკურსის ფარგლებში გათვალისწინებული თანხისთვის განსაზღვრული კურსით.

6.6. განმცხადებლის სავალდებულო თანადაფინანსება შეადგენს პროექტის მთლიანი ღირებულების მინიმუმ 10%-ს. თანადაფინანსება შეიძლება განხორციელდეს შემდეგი სახით:

- ფულადი თანამონაწილეობა, როგორცაა მისი საკუთარი სახსრები ან სახსრები სხვა წყაროებიდან, გარდა ევროკავშირიდან მიღებულისა.

- არაფულადი შენატანები, როგორცაა: პროექტზე მომუშავე პერსონალის ხელფასები და ანაზღაურება, იმ პირობით, რომ ისინი არ არის დაფარული გრანტით; განსახორციელებლად აუცილებელი აღჭურვილობის ან ობიექტების გამოყენება; განსახორციელებლად საჭირო მასალები ან მარაგები.

7. განაცხადების შეფასება

7.1. თითოეული განაცხადი შეფასდება კომისიის მიერ სპეციალური კრიტერიუმების გათვალისწინებით. პრიორიტეტი მიენიჭება იმ განაცხადებს, რომლებიც შეფასდებიან უმაღლესი ქულებით.

7.2. კომისია იტოვებს უფლებას არ გამოავლინოს გამარჯვებულები, თუ ვერ შეირჩა სათანადო განაცხადი.

7.3. კონკურსისთვის, პროექტში გამოყოფილი და კონკურსის შედეგების მიხედვით აუთვისებელი თანხის შემდგომი განკარგვის საკითხი გადაწყდება საქართველოში ევროკავშირის დელეგაციასთან შეთანხმებით. გამარჯვებულთა გამოვლენა მოხდება სამართლიანად, განაცხადების ობიექტური შეფასების საფუძველზე.

7.4. კომისიის წევრები ვალდებული არიან თავიდან აიცილონ ინტერესთან კონფლიქტი და პრიორიტეტი მიანიჭონ იმ განაცხადებს, რომლებისაც გააჩნიათ ყველაზე მაღალი პოტენციური კონკურსის მიზნების მიღწევასთან დაკავშირებით.

7.5. განაცხადების კონკურსის ფარგლებში წარმოდგენილი პასუხების შეფასებისას, კომისია შეაფასებს თითოეულ განაცხადს შემდეგი კრიტერიუმის მიხედვით:

- **შესაბამისობა** – პროექტის „ქუთაისი: ინტეგრირებული ტრანსფორმაცია მდგრადი განვითარებისთვის“ და მესამე მხარის ფინანსური მხარდაჭერის მიზნებთან.

- **რაოდენობა** – მონაწილის პროდუქტით/სერვისით სარგებლობის შესაძლებლობა უნდა ჰქონდეს ქალაქ ქუთაისის მუნიციპალიტეტის მაცხოვრებელთა სულ მცირე 5%-ს.

- **ინოვაციურობა** – ახალი ტექნოლოგიების, ბიზნეს მოდელების, მიდგომების, მეთოდოლოგიებისა და დაფინანსების სქემებთან დაკავშირებული ინოვაციური მიდგომების გამოყენება. ინოვაცია ასევე შეიძლება მოიცავდეს პროექტებს, რომლებიც ჯერ არ განხორციელებულა ქუთაისში, მაგრამ ეფექტიანი იქნება მისი განხორციელება ქალაქისთვის.

- **კმაყოფილება** – ხელს უნდა უწყობდეს მონაწილის შემოსავლების ზრდას.

- **განმეორებადობა** – განაცხადით შეთავაზებულ პროექტს/აქტივობას უნდა ჰქონდეს შესაძლებლობა შემდგომში განხორციელდეს სხვის მიერ.

- **განხორციელების ვადა** – განაცხადის განსახორციელებლად გამოყოფილი დრო შეზღუდული უნდა იყოს, რათა უზრუნველყოფილ იქნას მისი დასრულება 2024 წლის 10 დეკემბრის ჩათვლით. უპირატესობა მიენიჭება განაცხადებს, რომლებიც შეძლებენ დასრულებას აღნიშნულ ვადაში.

- **ხელმისაწვდომობა** – განმცხადებელი მზად უნდა იყოს მონაწილეობა მიიღოს პროექტით გათვალისწინებულ ღონისძიებებში და გამოცდილება გაუზიაროს დაინტერესებულთ.

- **ბიუჯეტი** – მოთხოვნილი თანხის მოცულობა არ უნდა ეწინააღმდეგებოდეს ამ პირობებით გათვალისწინებულ კრიტერიუმებს, ხოლო თანადაფინანსება შეადგენდეს პროექტის მთლიანი ღირებულების მინიმუმ 10%-ს.

- **მნიშვნელობა** – პროდუქტი/სერვისი ისტორიულად მნიშვნელოვანი უნდა იყოს ქალაქ ქუთაისისთვის.

- **მკაფიოობა** – პასუხი უნდა იყოს მკაფო და დეტალური, შესაძლებელი უნდა იყოს მისი განხორციელება სხვის მიერაც.

- **გამოცდილება** – განმცხადებელს უნდა გააჩნდეს სათანადო გამოცდილება განხორციელოს შემოთავაზება განაცხადში მითითებული პირობებით.

- **მდგრადობა** – მონაწილეს უნდა შეეძლოს შემოთავაზებული პროდუქტის/სერვისის მიწოდება შემდეგი ერთი წლის განმავლობაში მაინც კონკურსის ორგანიზატორების მხარდაჭერის გარეშე.

7.6. განაცხადები, რომლებიც ყველაზე მეტად აკმაყოფილებს ამ კრიტერიუმებს, დაიმსახურებს მაღალ ქულას.

7.7. განაცხადების შეფასების პროცესი წარიმართება სპეციალური მეთოდოლოგიით, ზოგიერთი კრიტერიუმისთვის ქულების მინიჭებით, ზოგიერთის კი უპირობოდ დაკმაყოფილების მოთხოვნით.

ცხრილი 1. განაცხადების შერჩევის მეთოდოლოგია

შესაფასებელი კრიტერიუმი	გრძელდება შეფასება	წყდება შეფასება
შესაბამისობა	დიახ	არა
რაოდენობა	დიახ	არა
კმაყოფილება	დიახ	არა
განმეორებადობა	დიახ	არა
ხელმისაწვდომობა	დიახ	არა
ბიუჯეტი	დიახ	არა
კრიტერიუმი ქულებისთვის		ქულა
მნიშვნელობა		30
ინოვაციურობა	-	10
განხორციელების ვადა	-	5
მკაფიოობა	-	10
გამოცდილება	-	20
მდგრადობა	-	25

7.8. ქალაქ ქუთაისის მუნიციპალიტეტში შესულ განაცხადებს განიხილავს ქ. ქუთაისის მუნიციპალიტეტის მერიის ეკონომიკური განვითარების, ადგილობრივი თვითმმართველობის ქონებისა და ტრანსპორტის მართვის სამსახური.

7.9. სამსახური მოახდენს შესაფასებელი კრიტერიუმების მიხედვით განაცხადების გადარჩევას.

7.10. გადარჩეული განაცხადებისთვის ქულების მინიჭებას მოახდენს შესაბამისი კომისია.

7.11. კომისია, ინფორმაციის მიღებიდან 5 სამუშაო დღის განმავლობაში გამარჯვებულების შესახებ ინფორმაციას შესაბამისი ხელშეკრულებების გასაფორმებლად წარუდგენს ქალაქ ქუთაისის მუნიციპალიტეტის მერს.

7.12. ხელშეკრულების გასაფორმებლად დაკავშირება მოხდება მხოლოდ შერჩეულ განმცხადებლებთან.

7.13. განაცხადების განხორციელება არ დაიწყება მანამ, სანამ ხელშეკრულებას ხელი არ მოეწერება მხარეების მიერ.

7.14. ხელშეკრულება განსაზღვრავს მხარეთა პასუხისმგებლობებს და განაცხადის განხორციელების პირობებს.

7.15. გამარჯვებულ განმცხადებელთან ხელშეკრულებასთან დაკავშირებული მოლაპარაკებისა და ხელმოწერისთვის განსაზღვრულია 10 სამუშაო დღე.

8. გამარჯვებული განაცხადების განხორციელება და მონიტორინგი

8.1. გამარჯვებული განაცხადების განსახორციელებლად ფინანსური მხარდაჭერის თანხები გადაირიცხება ტრანშებად მხარეთა შორის შეთანხმების საფუძველზე.

8.2. ყოველი შემდეგი ტრანშის გადარიცხვა არ მოხდება თუ განმცხადებელი არ აჩვენებს ჩარიცხული ტრანშის ათვისებას და თანადაფინანსების შესაბამისი ნაწილის (სრული თანხის) ხარჯვას.

8.3. კონკურსის გამომცხადებლები ზედამხედველობას და მონიტორინგს გაუწევენ განაცხადით გათვალისწინებული აქტივობების შესრულებას, რათა უზრუნველყოფილი იქნეს ხარისხის შესაბამისობა და განსაზღვრული ეტაპების მიღწევის პროგრესი.

8.4. გამარჯვებული განმცხადებლები ვალდებული არიან ითანამშრომლონ კონკურსის გამომცხადებლებთან ევროკავშირის მიერ დაფინანსებული პროექტის „ქუთაისი: ინტეგრირებული ტრანსფორმაცია მდგრადი განვითარებისთვის“ ფარგლებში ჩატარებულ ღონისძიებებში, რათა საჯაროდ ხელმისაწვდომი გახადონ მათი შედეგების წარმოჩენა, გამოცდილების გაზიარება.

ქალაქ ქუთაისის მუნიციპალიტეტის მერის
მოვალეობის შემსრულებელი



დავით ერემეიშვილი